



Inatsisartuni ilaasortaq
Hans Enoksen
Partii Naleraq

§ 37 naapertorlugu kommunefogedit pillugit apeqqutinut nr. 2015/285-mut akissutit

Asasara Hans Enoksen,

Naalakkersuisut sinnerlugit kommunefogedit meeqqallu sumiginnakkat pillugit apeqqutinnut, matuma kinguliani akineqartunut qujavunga.

1. Naalakkersuisut nunaqarfinni kommunefogedeqartarnek pillugu qanoq suliniuteqarniarpa?

Akissut:

Naalakkersuisut sinnerlugit erseqqissaatigerusuppara, inatsisunik atuutsitsineq tiguneqarsimanngimmat. Taamaattumik kommunefogedinik aaqqissuussineq pillugu aalajangiinissaq Danmarkip akisussaaffigaa.

Inatsisunik Atuutsitsinermut Ministereqarfiup Naalagaaffimmi Politiinit oqaaseqaat una pissarsiaraa:

”Kalaallit Nunaanni politiinit ilisimatitsissutigineqarpoq, Kalaallit Nunaanni Politiit naliliinerat malillugu maanna aaqqissuussineq naapertuttoq aammalu aaqqissuusseqqinnissamik pilersaaruteqartoqanngitsoq. Kisiannili Kalaallit Nunaanni Politiit kommunefogedit aaqqissuussaananerannik, inummik oqartussaasumik ataatsimik ataatsimoorluni aningaasalersorneqartumik, oqartussaasut arlallit – soorlu Namminersorlutik Oqartussat, Kommuni Naalagaaffillu – sinnerlugit suliassanik isumagisaqartartumik pilersitsisinaanermut allannguisinnaaneq pillugu oqallinnermut peqataarusupput. Tamatumunnga atatillugu Kalaallit Nunaanni Eqqartuussiveqarnek pillugu isumaliutissiisut nr. 1442/2004-mi atuakkat sisamaanni kapitali 6.5 aamma 6.6 innersuussutigineqarput.

Kiisalu Kalaallit Nunaanni Politiit naliliinerat malillugu maanna kommunefogedit suliassaar tunngavigalugit, nunaqarfinni kommunefogedit qassiusariaqarnerinik allannguinissamat tunngavissaqanngilaq.”

2. Nunaqarfinni aamma inukinnerpaani Kommunefogedit marlungortinnissaat naalakkersuisuniit qanoq isumaqarfigineqarpat?

Akissut:

Apeqqu 1-imut akissut takuuk.

02-12-2015
Sags nr. 2015 - 16409
Akt. nr. 1719006

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: paian@nanoq.gl
www.naalakkersuisut.gl

3. Nunaqarfinni meeqqat sumiginnakkat pisariaqavissumik ikiortariallit Naalackersuisuniit qanoq iliuseqarfigniarneqarpat?

Pinngortitamut, Avatangiisinut Inatsisinillu Atuutsitsinnermut Naalackersuisoqarfik apeqqut 3-mut akissuteqarnissaminut atatillugu Ilaqutariinnermut, Naligiissitaanermut Isumaginninnermullu Naalackersuisoqarfik isumassarsiorfigisimavaa, apeqqut Ilaqutariinnermut, Naligiissitaanermut Isumaginninnermullu Naalackersuisoqarfiup ataaniimmat.

Akissut:

Qitiusumik siunnersuisarfiup (CR), ukioq manna novembarimi ammartup immikkut piginnaangorsakkamik siunnersuisarneq ilinniartitsinerlu aqutigalugit kommunini inatsisitigut isumaginninnikkullu ineriartortitsinerit tapersersornissaat suliassaraa. CR-ip kommunini pisortat sullissisullu qanoq iliorlutik sullissinerup pitsaassusianik nukittorsaasinnaanersut, aammalu oqartussaaffimmi tamarmiusumi aqqjissuussaannermi, inatsisitigut isumaginninnermilu sullisseriaatsinik ineriartortitseqqissinnaanersut pillugu oqaloqatigisarpai. CR-ip siunnerfii pingaartumik tassaapput sumiiffinni meeqqanik sumiginnaaffiusuni kommunit pisortaat sullissisuilu.

Tamatuma peqatigisaanik Naalackersuisut 2016-imut Aningaasanut Inatsimmi nakkutillisoqarfimmik nutaamik pilersitsinissamat aningaasaliissutit amerlivaat. Nakkutillisoqarfik najukkani ingerlatsivinnut angalasartussaavoq, aammalu isumaginninnermut maleruagassat malinneqarnersut nakkutigisussaallugu. Ajornartorsiuutit, kommunini sullissisut atugaasa suussusersiniarneqarnissaat nalunaarsorneqarnissaallu Nakkutillisoqarfiup siunertaraa. Ilisimasanik katersuineq taanna kommunini sullissinerit pitsaassusaannik qaffatsitseqataassaaq, aammalu meeqqat pisinnaatitaaffiisa inatsisit naapertorlugit tamakkiisumik naammassineqarnissaat isumagineqassalluni.

Meeqqat oqaaseqartartuata Upernavimmut Uummannamullu, taakkulu nunaqarfiinut angalanermini nalunaarusiaa, pissutsinik annilaarnartorujussuarnik takutitsisoq tunngavigalugu, kommunit suleqatigalugit meeqqanik inuusuttunillu sullissinnermi, meeqqat sumiginnakkat eqqortumik ikiorneqarnissaat siunertaralugu suliniuteqarnissamik pilersaaruteqartoqarpoq. Suliniutit angalasartunik, kommunimi killiffinnik nalunaarsuullutik, sulianik iliussissanullu pilersaarutunik tamanik misissuullutik angalasartussanik pilersitsinikkut aallartinneqassapput, tasanilu ilinniartitaanerit, pikkorissarnerit suliniutillu allat unammilligassanut kommunimi atuuttunut naleqqussarneqarnissaat siunertarineqarpoq. Suliniutit uku sulianut malitsigitanut ilaatinneqarnissaat eqqarsaatigineqarpoq:

- Nakkutillisoqarfimmi nutaami nakkutillisoqarnissaq
- Qitiusumik Siunnersuisarfiup tamanut tunngasunik siunnersuisarnissaa ilitsersuisarnissaalu
- Meeqqat pillugit suliani aalajangersimasunik sullissisoqarneq
- Meeqqanik oqaloqatiginninnissamat, nakkutilleeqqinnissamat, iliussissanik pilersaarusiornissamat, isumaginninnermut inatsisinut il.il. pikkorissartitsisarneq
- Isumaginninnermi perorsaanikkut suliniutit meeqqanullu sammisaqartitsinerit
- Angajoqqaanik/ilaqutariinnik pikkorissartitsinerit
- Angalasartut meeqqanik kinguaassiutitigut atonerlugaasimasunik katsorsaasartussat

Suliaq taanna tunngavigalugu malitseqartitsisoqassaaq, ajornanngippallu najoqqutassamik, nunaqarfinni tamani atorpeqarsinnaasumik ineriartortitsisoqassaaq.

4. Nunaqarfinni meeqqat pisariaqavissumik ikiortariaqakkanut aaqqiisoqaqqullugu Naalackersuisut aningaasanik immikkoortitsinissamut piareersimappat?

Pinngortitamut, Avatangiisinut Inatsisinillu Atuutsitsinnermut Naalackersuisoqarfik apeqqu 4-mut akissuteqarnissaminut atatillugu Ilaqutariinnermut, Naligiissitaanermut Isumaginninnermullu Naalackersuisoqarfik isumassarsiorfigisimavaa, apeqqu Ilaqutariinnermut, Naligiissitaanermut Isumaginninnermullu Naalackersuisoqarfiup ataaniimmat.

Akissut:

Apeqqu 3-mut akissut takuuk.

Neriuppunga akissutiga tamakkiisumik paasissutissiiviusutut isumaqarfigissagit.

Inussiarnersumik inuulluaqqusillunga

Mala Høy Kúko